

UPRAVA DRUŠTVA**GENERALNA DIREKCIJA**

Broj: U.D.-01.-04.-20185/24
Sarajevo, 12.12.2024. godine

Na osnovu člana 45. Statuta, člana 70. stav (3) Zakona o javnim nabavkama BiH, i člana 18. stav (3) Pravilnika o javnim nabavkama "JP BH POŠTA" d.o.o. Sarajevo, te preporuke Komisije za nabavku usluge SMS gateway, broj: 07.4-11-9-18362-22/24, od 06.12.2024. godine, Uprava Društva na 60.elektronskoj sjednici održanoj dana 12.12.2024. godine, donosi:

O D L U K U**o izboru najpovoljnijeg ponuđača u postupku nabavke usluge SMS gateway****I**

Ovom Odlukom vrši se izbor najpovoljnijeg ponuđača „ INFOBIP BH “ d.o.o. Sarajevo, Tešanjka br.24a, 71 000 Sarajevo, BiH, u postupku nabavke usluge SMS gateway, sa ukupnom vrijednošću ugovora u iznosu od 36.144,00 KM, bez uračunatog PDV-a, odnosno ukupnom vrijednošću ugovora u iznosu od 42.288,48 KM, sa uračunatim PDV-om.

II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

III

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima – uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E

Na osnovu Odluke o pokretanju postupka javne nabavke usluge SMS gateway, broj: U.D.01.04-18420/24, od 15.11.2024. godine, procijenjene vrijednosti u iznosu od 49.000,00 KM, i Rješenja generalnog direktora o imenovanju komisije za provođenje postupka nabavke usluge SMS gateway: broj: 01-11-9-18362-2/24, od 15.11.2024. godine, Komisija je provela konkurentski zahtjev javne nabavke, broj obavještenja na Portalu JN: 238-7-2-172-3-195/24, objavljeno dana: 21.11.2024. godine i ispravka za obavještenje o nabavci na Portalu JN: 238-7-2-172-8-197/24, objavljeno dana: 29.11.2024. godine.

Javno otvaranje ponuda u postupku predmetne nabavke je održano dana 05.12.2024. godine u 12:15 sati, u Banket sali Generalne direkcije "JP BH POŠTA" d.o.o. Sarajevo, Obala Kulina bana br.8, o čemu je sačinjen poseban Zapisnik o otvaranju ponuda, broj: 07.4-11-9-18362-21/24, koji je sastavni dio ovog Izvještaja. Zapisnik sa otvaranja ponuda je poslan učesniku putem e-maila na adresu: berina.kadic@infobip.com.



Na Protokol Društva do roka određenog za prijem ponuda (05.12.2024. godine do 12:00 sati), pristigla je ponuda slijedećeg ponuđača:

GENERALNA DIREKCIJA

1. „ INFOBIP BH “ d.o.o. Sarajevo, Tešanjaska br.24a, 71 000 Sarajevo, BiH

Komisija je, nakon završenog otvaranja ponuda, pristupila analizi i utvrđivanju validnosti prispjele ponude, te konstatovala slijedeće:

Ponuda ponuđača „ INFOBIP BH “ d.o.o. Sarajevo, Tešanjaska br.24a, 71 000 Sarajevo, BiH, broj: 2255/24, od 02.12.2024. godine, sa ukupnom vrijednosti ponude, bez uračunatog PDV-a u iznosu od 36.144,00 KM ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno–pravno, ekonomski i tehnički prihvatljiva.

Ugovorni organ je za predmetnu nabavku predvidio provođenje e-aukcije, ali s obzirom na to da je pristigla ukupno jedna prihvatljiva ponuda te cijeneći Pravilnik o uslovima i načinu korištenja e-aukcije (Službeni glasnik BiH, broj 80/23), član 4. stav 2, Ugovorni organ neće zakazivati e-aukciju već će nabavku okončati u skladu sa članom 69. Zakona.

Nakon svega gore navedenog, utvrđena je konačna rang lista ponuđača koji su ispunili kvalifikacione uslove i to kako slijedi:

Red. br.	Naziv ponuđača	Ukupna cijena ponude sa uračunatim popustom bez PDV-a u KM
1	„ INFOBIP BH “ d.o.o. Sarajevo, Tešanjaska br.24a, 71000 Sarajevo, BiH	36.144,00 KM

Obzirom da ponuda ponuđača „ INFOBIP BH “ d.o.o. Sarajevo, Tešanjaska br.24a, 71000 Sarajevo, BiH, u potpunosti odgovara traženim tehničkim zahtjevima Ugovornog organa i da ovaj ponuđač ispunjava sve formalno-pravne, tehničke i ekonomske uslove, odnosno zahtjeve Ugovornog organa, odnosno da je njegova ponuda prihvatljiva za ugovorni organ, data je preporuka Ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama i to radnim danima u radno vrijeme.



Dostaviti:

- Sektoru za razvoj i informacioni sistem (Nosilac posla)
- Marketingu (za objavu)
- Sektoru za ekonomsko-finansijske poslove
- Odjeljenju za javne nabavke
- Ponuđaču
- Arhivi U.D.
- a/a

